

Ministronan di Aruba mester bay duna cuenta cerca Gobernador

RAPORT ZAANDAM A CREA CONFLICTO DEN REINO

ORANJESTAD.(AAN): Tin un dicho cu nos bieunan sa uza pa expresa cu ta lo siguiente; "Esun cu cobra buraco pa otro e mes por cay aden".

E dicho aki ta bay den direccion di e topico di e ultimo tempo.

Manera ta conoci cu Glenbert Croes no por bira minis-

tro debi cu e no ta ministeriable.

A pidi hefe di servicio inteligencia Ido Yanus pa traha un raport, cual a wordo entrega na gobierno.

E raport a causa masha bululu cu hasta na dado momento e director di dicho departamento a expresa di tuma su retiro inmediato,

pero te dia di awe esaki no a sosede.

Mientrastanto a forma un comision entre Hulanda y Aruba pa traha nan conseho relaciona si Sr. Glenbert Croes por bira ministro si of no.

Te ainda e comision no a termina nan conseho.

Mientras a bin un cambio di ministronan, esta sr. Junior Croes a pa sector comercial y Sr. Willem Vrolijk a bira ministro tanten cu ta sperando riba e resultado final di e proceso largo si Glenbert ta ministeriable si of no.

Awor no ta conoci debi na e conflicto aki e nombramento si of no di Glenbert a surgi un crisis entre prome ministro Mr.Henny Eman y Gobernador Mr.Koolman.

Fuenteran yega a duna di conoce cu pa algun siman of un luna caba ministro presidente no ta bay pa audiencia cerca gobernador.

E asunto aki a bira mas problematico awor cu e buki di ex comisario Zaandam a drenta den publicidad.

Na prome lugar e buki di e

ex comisario a ser entrega na despacho di gobernador cual na su turno mester a manda e documento pa La Reina.

Pero despacho di gobernador despues di consulta a dicidi di entrega Zaandam esaki bek.

E contenido lo tabata demasiado fuerte y tabata bay den direccion di ministro presidente y tambe esun di justicia.

Finalmente Zaandam a post e documento pa despacho di su Mahestad La Reina na Hulanda.

Den un tempo relativamente corto despacho di La Reina a dirigi dos carta pa sr. Zaandam. Alaves despacho di La Reina manda pa Gobernador carta of documento na unda entre otro e contenido of acusacion contra di tanto ministro presidente y tambe di justicia aparentemente mester wordo investiga.

Parce cu tanto ministro presidente y e ministro di justicia Vos mester bay cerca gobernador. Esaki ta nifica cu obligatoriamente e dos mandatarionan lo tin di topa

gobernador cara cara relaciona cu contenido di Quo Vadis cual Sr. Zaandam ex comisario a skirbi.

Si acaso e dos mandatario nenga di acudi cerca gobernador esaki lo por tin consecuencia serio pa nan, ta e pregunta?

Tanto ministro presidente Henny Eman y Watty Vos a caso nan no presenta cerca gobernador, no ta keda nada otro cu gobierno Hulandes por pone pa henter gabinete Eman un KB?

Fuera di esey, tambe Gobierno Hulandes por ordena Procurador General pa actua inmediatamente y cu tur consecucionan cu lo por tin.

Den un solo palabra e situacion ta uno serio y e proximo dianan aki lo por spera desaroyonan masha interesante. Pa colmo ta gobierno Eman a pidi Zaandam traha un raport cual despues a causa cu a bula su cabez hunto cu Rasmijn y Helen van der Waal, awor ta cabes di e dos mandatarionan ta bao di guiotina pa motibo di otro raport.

Glenbert Croes ta anuncia:

LILIAN PRINCE DIRECTORA NOBO DI ARUBAHUIS

Como tambe Minister Plenipotenciario suplente di Aruba na Hulanda

ORANJESTAD (AAN): Glenbert Croes, Lider di OLA, ta sumamente orguyoso di por a haci dos anuncio sumamente importante pa pais Aruba, pa e sernan femenino di nos pais.

E promer tabata e anuncio di Sra. Noris van Lis Donata como Vice Presidente di Parlamento di Aruba, y awor e nombramento di Sra. Lilian Prince como e director nobo di Arubahuis como tambe e Vice Minister Plenipotenciario di Aruba na Hulanda. E nombramento aki sin duda algun tambe ta un reconocimiento mereci pa un señora cu no mester di introduccion aki na Aruba.

Su aporte na nos pais, su atencion personal pa e comunidad femenino di Aruba ta labornan cu cual e ta laga su stempel atras. Sra. Lilian Prince un persona profesional, admira den nos seno pa su lealtad incondicional, pa añanan largo a maneha riba su mes henter Examen-bureau di departamento di Enseñanza.

Lily Prince ta un persona correcto, cu su curazon na e lugar correcto, cu den su funcion di Presidente di Wilhelmina Kankerfonds a haci obranan grandi social y caritativo den interes di nos comunidad. E ta un nombramento mereci, unda cu na Hulanda e studiantenan y e comunidad di Aruba biba na Hulanda, lo haya for di su persona : afecto y atencion per-

sonal pa cual Lily Prince ta conoci y tan admirap'e. Lider di OLA Sr. Glenbert Croes den nomber di su conseho di partido ta desea Lily Prince tur clase di exito den e reto nobo cu e tin su dilanti.

BESTSELLER!!

